

越縵堂日記

第二十六冊

桃花聖解盒日記戊集第二集

光緒二年

丙子八月二十日戊申晴有風收露初寒 晨起送雲門赴保

定 致夫邀同彥清仲彝至浙紹鄉祠觀劇晚歸偕致夫夜

談至三更後散

二十一日己酉晴 餘下午散露 視盒來饋龍井茶四瓶白菊花一

包 致莊來饋筍菜豆一包談至日所去 致夫來 是日辰初

二刻五分寒露九月節 終日不快

二十二日庚戌露 課傭工等編荻籬粘紙窗造石樞夾竹桃於

室 作書致星丈紱丈各饋白菊花一瓶 作書致紫泉

賢頭 得星丈紱丈復 彥清邀同仲彝致夫至鄉祠觀劇

倘晚歸 紫泉來不值

二十三日辛亥晴

得江敬所書

張映民來言周孟伯禮

部以昨日行屬缺民極致殷懇謂倉卒治行不能答謝此身未

死終以一見為期

作書致官夫以與牧莊仲彝匡伯約二十九日

祀先師晚以祭餘公餞官夫也

作書復敬所

致夫邀同

彥清仲彝夜飲豐樓予招烱陵及傅芝烱佐飲二更時歸付

王九車錢十三千錢傳兩郎車飯錢六千是夕徹旦不眠

二十四日壬子晴煖如舊

得敬所書

周荇農閣學來

族姪芬來雪樵之子也畱之夜飯予於兄弟中與雪樵最善今

其歿已二十四年矣此子以孤兒隨外家流轉燕趙中二十年已習申韓

家言今佐順天北路鄭同知幕歲入三百金差為雪樵慰惜其嗜
鴉片烟又有咯血疾瘠而食少相其狀兒必不壽是亦懷宗不振之
徵也 得紱丈書問浙闈題目即復

首題君子不可小知而可大受也次題序爵
所以辨貴賤也序事所以辨賢也三題非

聖人而能若是乎而況於親炙之者乎

二十五日癸丑晴暖 寫單約筵仙紫泉敦夫彥清仲彝及殷寧

庭董金門諸君今晚飲廣和居 作書致紫泉 紫泉來

疎姪芬來偕晚偕之同詣廣和居敦夫紫泉仲彝等庭筵仙
及其令子念劬皆來夜一更後歸付酒家庸賞三千送客車錢
數千

二十六日甲寅晴 同鄉馬星聯楊超兩孝廉來不見 得官夫

書還舒甄室隨筆等書即復 得張氏妹七月廿九日書言僧

慧定於九月十日娶婦 印結局送來是月公費銀子六兩 夜

洗足 洒掃聽事

二十七日乙卯晴暖 是日恭祀 至聖先師 先師生日以水穀所記象

寔在合八月二十日已詳予已已息茶會日記中今自宋以後皆作八月二十日蓋誤

從史記作襄公三十二年近來浙紹鄉祠及山左會館行聖公府皆以是日祭始從之

早起謹篆神位偕梅卿具牲醴 陳文經莊前五經加臨語考經也嘉祥縣及左傳乃年以爲博 牧莊致夫伯樞紫泉提金盃次

第至已刻彥清仲彝共行禮者九人 買菊花二十六叢分

時盆盃付錢五千五百 提金盃贈團扇一柄續謝墅山居圖行

題五古一章詩畫皆佳書法亦秀絕 夜同官夫彥清致夫提金

牧莊仲彝梅卿飲至更餘數復談至二鼓後撤 鐙下作家書

九經也 數千卷 嘉祥縣志

致內子季第各兩紙寄內子銀四十兩仲弟四兩僧慧五兩二妹三兩
珊姬之母四兩共五十五兩託毅夫轉屬阜康錢鋪寄回即作片致
毅夫 得王月坡仙居書

邱鈔

上諭文煜丁日昌奏訊明采購軍械虧蝕銀兩之革員分別定擬並

旨請嚴議各摺片此案福建已革候補同知文紹榮已革候補直

隸州知州沈純承領庫款采購糖餼軍火等項竟敢任意侵蝕文

紹榮浮開銀二萬一千餘兩沈純浮開銀二萬八千餘兩實屬玩法

營私均著照所擬斬監候仍照例勒追完繳已革生補行軍同智

聖詔據供並無侵蝕情事該革員購辦船隻未能核實給價致

兆芳呈解

戊集卷二集

七

越縵堂雜著

虧洋銀十萬圓之多著照所擬勒令繳清發往軍臺效力贖罪以
懲儆福州將軍兼署閩浙總督文煜前閩浙總督河東河道總
督李鶴年督辦善後局務之福建布政使葆亨鹽法道盧士杰
督糧道葉永元前署鹽法道文吉前署督糧道區天氏未能先事
覈察殊屬疏忽著一併交部議處前福建巡撫王凱太業經病故
免其議處此案並非丁日昌任內之事該撫自請嚴議之處著毋

庸議

同日文煜丁日昌又奏參准補清流縣知縣柯楠前署建甯縣時考試文武童生令捐助義學經費取為文武案首又有丁後被控詐擄之事其在福州府署當案時擅將歷

次籍案索詐之數差前藩司自縱放實屬荒謬前署部武府知府梁元桂於該縣案首率沿舊習仍置前列雖續經振舉究難辭咎李鶴年於梁元桂查明柯楠各款稟報時未將柯楠即行參辦亦屬咎有應得 詔柯楠交部嚴加議處梁元桂李鶴年一併交部議處柯楠湖北進士沈純所江陽安人戶部郎中駱之弟驥與郎中長興差偶輸把持部務朋比優差作奸非一人皆惡之去年兩人信託在部吏用今年慶序補和堂臣以部事需才奏舊前日御史鄭慶麟疏陳部員占差取巧並官違例乞革之舉請飭禁止有 詔中禁即為二人登也周星詒即予所指之周城山處魄部既奏不為有餘歎所不如若丁君懲治為

電也

二十八日丙辰晴暖 痔發多臥閱近人文集說部以自遣 是日付

粘聽事壁及風門紙窗等錢六十千 編籙錢二十千 峇福工食錢十千

更夫兩月工食油火錢十四千 楊媪是月半月及九月工食錢十二千 順兒

兩千 京報錢兩千 孫鏡江來 夜初更後風起二更小雨有

聲旋止

邸鈔

上諭給事中胡毓筠奏邪教貽害地方請飭各省等辦並京師地面應

一體稽查奸民牽涉教堂應由地方官查辦各摺片前據沈葆楨等

奏稱江蘇等省現有邪教紙人前辦情事迭經諭令各督撫飭地方官

查拏懲辦此等匪徒擾及數省貽害匪輕著各該督撫屬出示曉諭
務令居民各安本業毋信謠言遇有邪匪即行縛送到官訊明盡法懲治
匪徒行蹤詭秘往假託教堂地方官仍應照例辦理勿為所愚京師五
方雜處並著步軍統領衙門順天府五城安定章程督飭地面官協力梭巡
體拏辦以杜奸宄

二十九日丁巳小盡晴煖

閱舒菴室隨筆

作書致伯寅侍郎

得復 作片致董金門屬其寫當世貴官命格數紙此事予最
不信尤不喜言之以近日嚴菊泉師書來屬予錄寄數人故為此無
謂之舉耳

九月戊午朔晴煖如莫春 致夫來 紫泉來 偶閱近人

陳其元庸閒齋筆記一卷前有俞蔭甫序其元字子莊海甯州人由
諸生官至江蘇候補知州其書多載家世舊聞間及近事頗亦少資掌
故惟太不讀書叙次又拙不足備底下書耳即如言其先本杭州高氏
明初有名諱者至海甯為趙家橋賣豆腐者陳姓滑遂為其子因承
其姓三世之後遂有登科者至今科第已十三世登進士者三十一人極眼
二人舉人一百有三人恩拔副歲優貢生七十四人官宰相者三人尚書侍
郎巡撫布政使十一人按察使二人京官卿寺外官道府以下名望仕
版者逾三百人其寄籍它省者尚不能考其出嗣他姓者如仁初之張
雲璈榮世科第河南之司馬氏嘉慶年間為南河河道總督今忘其

名案嘉慶初有東河河道總督司馬駒由簿尉起家孫氏星衍五
松園文稿中有墓志言其字雲亭江甯人先世本甯波人其祖始遷
江甯俞氏正變癸巳類彙中總河考載嘉慶二年十二月司馬
駒江甯人監生任東河總督四年三月卒此外東南兩河總督無
有姓司馬者孫志不言其先為陳姓亦非河南人其元祐此尚不能
考無論其它矣又所載多見在顯人諂譽歸美尤為可厭惟言
道光時與歸安凌厚堂堊同為金華教官厚堂辛卯舉人為教諭好罵米子於
天下人無不鄙薄工古文善青門醫卜星相無所不能若有德與子
外集數十萬言懼於古作家其詆詆相人多奇中豫知庚申辛酉南
北之亂謂浙江無一片乾淨土數俱前定己未歲遂棄官歸居嚴舍

鎮

湖州破後自卜賊在某日某時到韓屋日開門延客飲酒以待至時賊
果至擁之去偽王其素聞其名請以為軍師大罵不屈有賊帥勸
其一揖即可釋歸亦不肯遂被殺延頸受刃顏色不變此可為儒
林生色矣

厚堂第述詳見
予壬申日記中

又言蕭山蔡三風召南為金華府教授其夫人

素事佛庚申將亂前夢觀世音告之曰大劫將至汝家有善行當令

一人不死夫人醒以告蔡蔡感然嘗語人曰世果亂而我家獨免則生靈

之罹禍者眾矣何痛如之及賊陷金華蔡投井死二子亦被害惟一孫得

逸出乃悟神言一人不死之指蔡為道光戊戌進士無所著聞即此一言可

質聖賢而不媿後日修吾郡志者所當表徵也其載乾隆嘉慶癸丑

科一甲一名潘文恭公二名陳遠雯雲二甲一名張春山三甲一名馬秋水時

此等星斗已

或集高上集

六

魏縵坐雜著

人為之語曰必正妙常雙及第春水秋水兩傳臚蓋世謂二甲第一為

金殿傳臚三甲第一為玉殿傳臚也案是年探花為陳鍾漢侍郎

希曾二甲第一為吾鄉陳右鋒 秋水故當日有必正妙常三鼎甲春山

秋水兩傳臚之語春山不知何人當是三甲第一者之號或字當以問星文 絳文亦不知

右鋒先生登第時年已四十餘擢後以不肖禍和坤遂用中書乾隆以來 二甲一名不

入翰林者惟任氏 大楷及先生耳旋告歸不出跡無所謂張春山馬秋水者至傳臚曰

殿上傳鼎甲三人後止唱二甲一第三甲一第二名蓋舉此以繫其餘洪氏 亮吉

北江詩話中 言之甚詳實錄亦書賜一甲某等三人及第賜二甲某等若干人進

士出身三甲某等若干人同進士出身皆例舉其首而自來世俗相沿

備二甲一名為傳臚以亞之於鼎甲其家或懸扁樹坊則稱之曰金殿

傳臚若三甲一名則無入以此傳之家居時惟見康熙間三甲一名山陰人蓋諸求最之門懸傳臚兩額餘無聞者

楊眼探花已屬不典之辭然尚肇於唐宋傳臚則國初以尚未

有此傳若金殿玉殿之分更可笑矣其間及考據無不并謬如

論官制謂唐之尚書以處藩鎮侍郎則居宰相之位唐惟門下中書侍郎為宰相之職非

侍郎皆居相位也此語亦微誤案唐於尚書省設六部尚書領吏兵戶刑禮工之事而

侍郎為之貳始終未嘗改易惟唐制長官多虛位中葉以後尤甚

尚書省之尚書令以太宗嘗為之後遂不置而升左右僕射為長官

此無論矣門下省之侍中中書省之中書令惟以待元勳重臣餘不

輕授御史臺之御史大夫肅宗以後不常置多以中丞攝之六尚書官

亦不必備或亦除拜而不必莅職往往以侍郎掌部事而節鎮留守

兆譽星屏金日己 戊集第上集 七 魏縵堂雜著

及分司致仕者多以尚書系銜皆猶今之虛銜耳節鎮所帶自御

史中丞左右丞散騎常侍以至太保太尉司徒司空侍中中書令凡

自五品

御史中丞武宗時始升四品

以至正一品或為檢校官或為兼官皆視其勳格

以示加崇並無一定未嘗以尚書處藩鎮也至謂官名官制歷代不

同惟宰相及大將軍始終貴重古之官名今有以呼執藝者雜髮曰

待詔工匠曰司務豈知自古及今無宰相之官名待詔司務亦非古官

乎

此書本不足駁正因其中屢自誇博奧而書甫刻於去年今年已有翻板蓋短書小說最易惑人故略辨之

孺初來夜談 二

夏時有風

初二日己未晴暖

得陳藍洲武昌書

得紫泉書即復

潘星丈來

得紱丈書即復

初三日庚申晴暖

菊花始開

繆庶常荃孫來不晤

得

紱丈書還日記即復

料檢三月來所得簡札分三等置之換

聽事障帖

鬢頭

得致夫書即復

張硤民來

彥清來

同作夜談

得王信甫書

邱鈔

詔郡王銜貝勒載治之第五子命名溥侗

初四日辛酉晴午霽後微露

作書致牧莊致致夫

劉鶴山

師之嗣孫曾枚來

作書致紫泉皆商九日登高事

致夫來

作書復王信甫

得董金門書并祿命格一紙

下午偕致夫詣

鄉祠觀劇定勇亦來夜致夫邀飲豐樓予招秋葭芝秋二更

後歸

牧莊來

來紫泉來俱不值

郎鈔

上諭刑部奏訊取四川匪犯袁廷蛟供詞鈔錄呈覽都察院奏中書蕭
宗瑞等聯名呈控帶兵官冤殺姦虜請旨辦理御史李廷簫奏
四川重案覆奏疑實甚多請飭嚴訊各一摺四川匪犯袁廷蛟聚
眾滋事一案雖該犯所供並無撲營抗拒官兵情事遽難憑信惟
該紳士呈控李有恒於鄉民到營呈訴即行斬殺所殺確係良民並
無匪徒且李有恒印示有尖峯各寨搜殺無數之語亦與原奏並無
搜殺寨民語相矛盾並據該御史聲稱案情重大原奏疑實甚多
亟應從嚴覆訊以成信讞李瀚章甫經到任無所用其回護此案仍